

Incumbensa Kappeler concernent la priorisaziun da la SATE Cuira

En la sessiun da december 2014 han differentas deputadas e differentes deputads da praticamain tut las partidas punctuà la gronda impurtanza da la SATE Cuira e rendì attent il medem mument al basegn urgent d'agir. Dapi onns vegnan fatgs studis e scleriments, ma in project concret per ina scola auta attractiva e fitg potentia n'è anc betg avant maun en furma d'in project madir per la votaziun.

Cun abolir la colliaziun dal franc vi da l'euro èn las perspectivas economicas sa pegiuradas marcantamain per il Grischun. Vitiers vegn che l'individualissem da la SATE Cuira ordaifer la Scola auta spezialisada da la Svizra orientala vegn tematisà cun l'accreditaziun instituziunala. Ina scola auta spezialisada cumpetitiva sco avantatg dal lieu per l'economia e per la societad en la regiun dal Grischun sto perquai vegnir messa en il focus da la politica grischuna. Las sutsegnadras ed ils sutsegnaders incumbenseschan perquai la regenza d'accelerar ils differentes scleriments e las diversas lavurs e da dumandar anc en la legislatura currenta l'approvaziun per in project progressiv cun in credit per construir in center da scola auta resp. da laschar tractar questa fatschenta al cussegl grond almain en la perioda da legislatura currenta. Quai premetta che tut ils concepts necessaris, tut ils scleriments dal lieu, tut ils scleriments cun la confederaziun (vul dir cun il secretariat da stadi per furmaziun, retschertga ed innovaziun), la finanziaziun e.u.v. stoppian esser avant maun a temp e ch'il project vegnia priorisà correspudentamain.

Cuira, ils 10 da favrer 2015

Kappeler, Dudli, Marti, Albertin, Brandenburger, Bucher-Brini, Caduff, Caluori, Casanova (Glion), Casty, Casutt-Derungs, Caviezel (Cuira), Davaz, Dosch, Engler, Foffa, Gartmann-Albin, Heiz, Hitz-Rusch, Holzinger-Loretz, Hug, Jeker, Kasper, Kollegger, Kunfermann, Kunz (Cuira), Kuoni, Mani-Heldstab, Nay, Niederer, Salis, Sax, Schneider, Stiffler (Cuira), Thomann-Frank, von Ballmoos, Waidacher, Widmer-Spreiter, Calonder, Föhn, Tuor